

**PROCESVERBAL – Tipi i kontratës - Mall****PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM**

*(Ky procesverbal është për efekt publikimi bashkë me dokumentet e tenderit)*

**OBJEKTI I PROCEDURËS:** Furnizim vendosje pjesë këmbimi dhe mirëmbajtje e automjeteve të Bashkisë Kolonjë viti 2024.

**KODI PËRKATËS NË FJALORIN E PËRBASHKËT TË PROKURIMIT (CPV):**

**50800000-3** - Shërbime të ndryshme për riparim dhe mirëmbajtje,

**34330000-9** - Pjesë këmbimi për automjete, furgonë dhe makina transporti mallrash,

**34900000-6** - Pajisje të ndryshme transporti dhe pjesë këmbimi,

**VLERA E FONDIT LIMIT: 9,230,000** (Nëntëmilonedyqindetridhjetëmijë) **lekë pa tvsh.**

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c i ndryshuar me ligjin nr.16 datë.08.02.2024 dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor **Bashkia Kolonjë** ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

**I. KRITERET E VEÇANTA TË KUALIFIKIMIT**

1. Kandidati/ofertuesi duhet të dorëzojë:

a. *Sigurim oferte, sipas Shtojcës 3;*

b. *Formulari përmbledhës i vetdeklarimit, sipas shtojcës 8*

**Argumentimi:** Kërkesat e mësipërme bazohen në nenet 76, 82 dhe 83 të LPP, nenit 26, të VKM nr. 285, datë 19.05.2021 “Për miratimin e rregullave të prokurimit publik”. Kërkesat e mësipërme bazohen me Nenin 76 “Kriteret detyruese për skualifikim” Nenin 82 “Formulari përmbledhës i vetdeklarimit” dhe Neni 83 “Sigurimi i ofertes”, të Ligjit Nr.162/2020 “Për Prokurimin Publik””, i ndryshuar me ligjin nr.16 datë.08.02.2024 si dhe në mbështetje të Nenit 26 “Formulari përmbledhës i vetdeklarimit” dhe nenit 30, pika 1, të VKM-së Nr.285, datë 19.5.2021 “Për Miratimin e Rregullave të Prokurimit Publik:

**Neni 82, i LPP** “1. *Bashke me dorezimin e kerkesave per pjesemarrje ose te ofertave, autoritetet ose entet kontraktore pranojne si prove paraprake ne vend te disa vertetimeve te leshuara nga autoritetet publike ose pale te treta, formularin permbledhes te vetdeklarimit, sipas parashikimeve te ketij ligji. Permbajtja e ketij formulari percaktohet ne rregullat e prokurimit publik*”.

**Neni 83 i LPP** “*Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël*”.

## **2. Kandidati/Ofertuesi duhet të dorëzojë:**

### **2.1. Përshatshmëria për të kryer veprimtarinë profesionale (nëse është e aplikueshme):**

Sipas percaktimeve të bëra në Shtojcën 7 të DST-ve (**Kriteret e Përgjithshme të Përzgjedhjes/Kualifikimit**).

**Argumentimi:** Kërkesa e mësipërme bazohet në nenin 77, pika 1/a dhe 2, të LPP, nenin 39, pika 6/b, të VKM nr. 285, datë 19.05.2021, Për miratimin e rregullave të prokurimit publik”, i ndryshuar.

(shënim: *plotësoni nëse është rasti, aktin konkret ligjor ose nëligjor që parashikon plotësimin e ndonjë kërkesë specifike për ushtrimin e veprimtarisë profesionale në fjalë*).

### **2.2. Kapaciteti ekonomik dhe financiar:**

**2.2.1** Për të provuar kapacitetet financiare dhe ekonomike, operatori/et ekonomikë duhet të paraqesin vërtetim për xhiron vjetore për vitet financiare **2021-2022-2023**, ku vlera e xhiros për të paktën një nga vitet e periudhës së kërkuar duhet të jetë **jo më e vogël se 40 % e vlerës së përlllogaritur të kontratës që prokurohet**.

**Argumentimi:** Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik”.

#### **Përcaktimi i vlerës së kërkuar argumentohet si më poshtë:**

Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në **nenin 77 pika 3 të ligjit nr. 162, datë 23.12.2020 “Për prokurimin publik”,** , i ndryshuar me ligjin nr.16 datë.08.02.2024 ku parashikohet se: *“Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën”, “Xhiroja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës”.*

si dhe bazuar në nenin **43, pika 2/c, nenin 55 pika 4 të VKM nr. 285, datë 19.05.2021 “Për miratimin e rregullave të prokurimit publik”,** parashikohet se:

*“Vlera e xhiros minimale vjetore që u kërkohet operatorëve ekonomikë nuk mund të tejkalojë:*

c) 40 % të vlerës së parashikuar të kontratës, në procedurat e prokurimit nënkufirin e ulët monetar, dhe në procedurat e prokurimit “Shërbim konsulence”.

Vendosja e këtij kriteri kualifikues i shërben Autoritetit Kontraktor për të vërtetuar se operatori ekonomik fitues i zotëron të gjitha kapacitetet ekonomike dhe financiare për të përmbushur me sukses kontratën.

Duke marrë në konsideratë vlerën e fondit limit të kësaj procedure prokurimi, kërkohet që OE ofertues të paraqesë se disponon kapacitetet e nevojshme ekonomike dhe financiare për ta realizuar atë në kohë dhe në përputhje me specifikimet teknike të kërkuara. Për këtë, OE ofertues duhet të ketë disponibilitetin e duhur ekonomik dhe me këtë qëllim, është argumentuar se vlera e xhiros për të paktën një nga vitet e periudhës së kërkuar duhet të jetë **jo më e vogël se 40% e vlerës së fondit limit** dhe vendosja e këtij limiti nuk kufizon pjesëmarrjen e operatoreve ekonomike.

Përcaktimi i viteve të kërkuara për paraqitjen e vërtetimit të xhiros vjetore është bërë në zbatim të Ligjit nr. 8438, datë 28.12.1998 “Për tatimin mbi të ardhurat”, i ndryshuar, Udhëzimit të Ministrit të Financave Nr.5, datë 30.01.2006, “Për tatimin mbi të ardhurat”, i ndryshuar, VKM-së Nr. 922 datë 29.12.2014 “Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike”, si dhe kërkesave të Ligjit Nr. 25/2018 “Për kontabilitetin dhe pasqyrat financiare”.

Kjo është një kërkesë e cila nuk e pengon konkurrencën dhe është e bazuar në garancinë që ofertuesi i paraqet Autoritetit Kontraktor.

Autoriteti Kontraktor në miratimin e këtij kriteri ka mbajtur në vëmendje nenin 29 të Ligjit Nr. 8438, datë 28.12.1998 “Për tatimin mbi të ardhurat tatimore”: “Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda **datës 31 mars të vitit pasardhës**, duke paraqitur në të njejtën kohë bilancin kontabël, së bashku me anekset e tij, si dhe çdo të dhëne tjetër të përcaktuar në udhëzimin e Ministrit të Financave në zbatim të këtij ligji.” pasi tatimpaguesit (operatorët ekonomikë) kanë detyrimin të dorëzojnë në administratën tatimore brenda **datës 31 mars të vitit pasardhës** bilancin kontabël së bashku me anekset e tij, si dhe Akt Ekspertizën e Ekspertit Kontabël të Autorizuar në rastet kur plotësohen kushtet e parashikuara nga ligji.

---

**2.2.2** Operatori/et ekonomikë duhet të paraqesin bilancet vjetore, për vitet financiare **2021-2022-2023**, të çertifikuara nga autoritetet përkatëse, të shoqëruara me Akt Ekspertizën e Ekspertit Kontabel të Autorizuar, në rastin kur janë në kushtet e përcaktimeve neni 41, pika ”c”, të Ligjit nr. 10091, datë 5.03.2009 “Për auditimin ligjor, organizimin e profesionit të audituesit ligjor dhe të kontabilistit të miratuar”, i ndryshuar. Në zbatim të nenit 43, pika 4, të VKM nr.285, datë 19.05.2021, kjo kërkesë konsiderohet e përmbushur nëse bilancet e dy viteve të njëpasnjëshme, nuk kanë raport negativ ndërmjet aktivitetit dhe pasivitetit.

**Argumentimi:** Kërkesa e mësipërme është përcaktuar bazuar në nenin 77, pika 3, e LPP, si dhe nenin 43, pika 4, të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, ligjit nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 “Për kontabilitetin dhe pasqyrat financiare”. Referuar në nenin 29 të Ligjit Nr. 8438, datë 28.12.1998 “Për tatimin mbi të ardhurat tatimore: “Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda **datës 31 mars të vitit pasardhës**, duke paraqitur në të njejtën kohë bilancin kontabël, së bashku me anekset e tij, si dhe çdo të dhëne tjetër të përcaktuar në udhëzimin e Ministrit të Financave në zbatim të këtij ligji.

---

**2.2.3** Operatori/et ekonomikë ofertues duhet të paraqesë një dokument që vërteton se ka paguar të gjitha detyrimet e taksave dhe tarifave vendore lëshuar nga Administrata e Qeverisjes Vendore për të gjitha vendet ku operatori ushtron aktivitetet **për vitin 2023** (Sipas QKB) sipas përcaktimeve në ligjin nr. 9632, datë 30.10.2006 “Për sistemin e taksave vendore” i ndryshuar, neni 5, pika c, sipas afateve të miratuara të kryerjes së pagesave të përcaktuara nga çdo njësi e qeverisjes vendore **dhe për vitin e fundit 2024 (këstet e maturuara)**.

*Kriteri konsiderohet i përmbushur me plotësimin e formularit sipas shtojcës 8 të DT. Dokumentat e kërkuara më sipër do të paraqitën referuar përcaktimevetë nenit 26, pika 6, të VKM nr. 285, datë 19.05.2021, i ndryshuar , përpara publikimit të njoftimit të fituesit dhe nisjes së afateve ankimit, ose nëse kërkohen sqarime nga autoriteti kontraktor.*

**Argumentimi:** Kërkesa e mësipërme është përcaktuar bazuar në nenin 77, pika 1 dhe 3, të ligjit nr. 162, datë 23.12.2020 “Për prokurimin publik”, , i ndryshuar me ligjin nr.16 datë.08.02.2024 si dhe nenit 43, nenit 41, pika 5/ c), të VKM nr. 285, datë 19.05.2021 “Për miratimin e rregullave të prokurimit publik” dhe ne ligjin nr.9632, datë 30.10.2006 “Për Sistemin e Taksave Vendore” i ndryshuar,në ligjin nr.9920 date 19.05.2008 “Për procedurat tatimore” i ndryshuar, neni 3.1/a, b, c dhe neni 40, në ligjin nr.131/2015 “Për QKB” i ndryshuar, si dhe në ligjin nr.9723 date 03.05.2007 “Për QKR” i ndryshuar.

Meqenese operatorët ekonomik kanë detyrimin të paguajnë të gjitha detyrimet e taksave dhe tarifave vendore, në vendet që ushtrojnë aktivitetin e tyre, atëherë operatorët ekonomikë pjesëmarrës duhet të vërtetojnë se i kanë likuiduar këto detyrime nëpërmjet paraqitjes së vërtetimit të lëshuar nga Administrata e Qeverisjes Vendore.

---

### **2.3 Aftësitë teknike dhe profesionale:**

**2.3.1** Operatori ekonomik duhet të paraqesë dëshmi për furnizimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, **në një vlerë jo më të vogël se 20 %** të vlerës së përlogaritur të kontratës që prokurohet dhe që është realizuar gjatë tri viteve të fundit ,nga data e shpalljes së njoftimit të kontratës.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasi të mallrave të furnizuara,
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

**Argumentimi:**Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” , i ndryshuar me ligjin nr.16 datë.08.02.2024 dhe nenit 40, pika 4 (ose në rastin e procedurave të thjeshtuara në nenin 55, pika 4/b), të VKM nr. 285, datë 19.05.2021 “Për miratimin e Rregullave të Prokurimit Publik”, si dhe rekomandimit Nr.17971 Prot.datë.10.03.2022 të agjensisë së prokurimit publik.Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë **në një vlerë jo më të madhe se 20 %** të vlerës së fondit limit,që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

---

*Shënim: Duke qenë se aktet ligjore dhe nënligjore parashikojnë një marzh për vlerën e kontratave të ngjashme që mund të kërkohet, autoritete/entet kontraktore duhet të argumentojnë vlerën e kërkuar të kontratave të ngjashme brenda këtij marzhi.*

Në zbatim të VKM nr. 285, datë 19.05.2021 “Për miratimin e Rregullave të Prokurimit Publik”, i ndryshuar nenit 55, pika 4, germa b) në vlerën 20% të fondit limit.

Duke marrë në konsideratë vlerën e fondit limit të kërkuar objekt procedure prokurimi, është menduar se vlera e kërkuar që OE ofertues të ketë realizuar kontrata të ngjashme, të jetë afër limitit maksimal të lejuar dhe në këtë mënyrë, AK ka sigurinë dhe besueshmërinë që OE ofertues mund të realizojë kontratën objekt prokurimi pa patur pengesa të ndryshme që do të ndikonin në ecurinë e punës së AK.

Kontrata e ngjashme është e domosdoshme për të vertetuar ekspriencen e operatoreve ekonomik ofertues, me qëllim që të garantohet zbatimi i kontratës me sukses.

---

**2.3.2.** Operatori ekonomik pjesëmarrës, për realizimin e kontratës, duhet të disponojë personelin kryesor, si mëposhtë:

**a. 1 (një) inxhinier mekanik**

**Për të cilin duhet të paraqiten:**

- Kontratë individuale të punës
- Diplomë ose çertifikatë
- Të figurojnë në listëpagesat e shoqërisë **minimalisht për muajin e fundit.**

*ose*

mund të jetë i kontraktuar me kontratë pune të rregullt për këtë procedurë prokurimi ku për të cilin të paraqiten:

- Kontratë individuale të punës
- Diplomë ose çertifikatë

*Kriteri konsiderohet i përmbushur me plotësimin e formularit sipas shtojcës 8 të DT. Dokumentat e kërkuara më sipër do të paraqitën referuar përcaktimeve të nenit 26, pika 6, të VKM nr. 285, datë 19.05.2021, i ndryshuar , përpara publikimit të njoftimit të fituesit dhe nisjes së afateve ankimit, ose nëse kërkohen sqarime nga autoriteti kontraktor.*

**Argumentimi:** Në bazë të neni 4 pika 18 ,pikës 4 të nenit të 77, të ligjit nr. 162, datë 23.12.2020 “Për prokurimin Publik”,i ndryshuar me ligjin nr.16 datë.08.02.2024, dhe nenit 40, pika 5/ b), të VKM nr.285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës.Autoriteti Kontraktor ka kërkuar që kontraktuesi duhet të përcaktojë një person përgjegjës për kryerjen e shërbimeve i cili ka një rol të rëndësishëm në mbarëvajtjen e punimeve pasi ata janë përgjegjës për zbatimin e objektit dhe në përputhje me kushtet teknike të zbatimit të tij. Kjo kontrate publike përfshin blerjen (hyrjen në magazine të mallit) me pas vendosjen dhe instalimin.

Dokumentacioni plotësues i kërkuar në kriteret e veçanta për kualifikim pjesë përbërëse e dokumentave të tenderit, sikundër janë, kontratë pune e vlefshme, diploma etj janë vendosur për arsye se me paraqitjen e këtij dokumentacioni vërtetohet se ky person përgjegjës është operativ pranë Ofertuesve të mundshëm dhe në këtë mënyrë Autoriteti Kontraktor krijon bindjen se Operatorët ekonomikë pjesëmarrës zotërojnë personelin e nevojshëm për realizimin me sukses të objektit që prokurohet. Stafi teknik i kualifikuar është kërkuar ne raport me shërbimet që kërkohen te realizohen etj. Bazuar në parashikimet e mësipërme të legjislacionit për prokurimin

publik, Autoriteti Kontraktor ka kërkuar që operatori ekonomik ofertues duhet të ketë në stafin e tij punonjës të aftë profesionalisht për realizimin e objektit.

**2.3.3.** Operatori ekonomik duhet të disponojë punonjës të specializuar/ të kualifikuar, si mëposhtë:

**a. 1 (një)** specialist të fushës së automjeteve për (mirëmbajtje-shërbim-riparim-automjetesh)

**Për secilin duhet të paraqiten:**

- Kontratë individuale të punës
- Diplomë ose çertifikatë
- Të figurojnë në listëpagesat e shoqërisë **minimalisht për muajin e fundit.**

*ose*

mund të jetë i kontraktuar me kontratë pune të rregullt për këtë procedurë prokurimi ku për të cilin të paraqiten:

- Kontratë individuale të punës
- Diplomë ose çertifikatë

*Kriteri konsiderohet i përmbushur me plotësimin e formularit sipas shtojcës 8 të DT. Dokumentat e kërkuara më sipër do të paraqitën referuar përcaktimeve të nenit 26, pika 6, të VKM nr. 285, datë 19.05.2021, i ndryshuar , përpara publikimit të njoftimit të fituesit dhe nisjes së afateve ankimit, ose nëse kërkohen sqarime nga autoriteti kontraktor.*

**Argumentimi:** Në bazë të neni 4 pika 18 , pikës 4 të nenit të 77, të ligjit nr. 162, datë 23.12.2020 “Për prokurimin Publik”, i ndryshuar me ligjin nr.16 datë.08.02.2024, dhe nenit 40, pika 5/ b) të VKM nr.285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës. Kjo kontrate publike përfshin blerjen (hyrjen në magazine të mallit) me pas vendosjen dhe instalimin.Konkretisht: Referuar natyrës së shërbimeve që kërkohen të prokurohen siç janë riparime dhe mirmbajtje të agregatit të motorrit, të karrocërisë,të sistemeve drejtimit,frenimit, mirëmbajtje-shërbim-riparim-automjetesh etj,është e nevojshme pasja e një stafi teknik të specializuar e vërtetuar kjo në bazë të kontratave të punës , Diplomë ose çertifikatë si dhe të listëpagesës se deklaruar nga operatori ekonomik me qëllim realizimin me sukses të kontratës. Ky numër minimal është kërkuar duke u bazuar në numrin e automjeteve që kanë nevojë për kryerjen e shërbimeve,si dhe natyrën dhe numrin e shërbimeve që kërkohen.Bazuar në parashikimet e mësipërme të legjislacionit për prokurimin publik, Autoriteti Kontraktor ka kërkuar që operatori ekonomik ofertues duhet të ketë në stafin e tij punonjës të aftë profesionalisht për realizimin e objektit.

**2.3.4.** Operatori/et ekonomik duhet të disponojë brenda territorit të Bashkisë Kolonjë minimumi **1 (një)** ambient pune (servis/oficinë) të përshtatshme për kryerjen e shërbimeve për të gjitha llojet e mjeteve sipas specifikimeve teknike objekt në funksion të realizimit të kontratës, të përshtatshëm për ushtrim aktiviteti sipas objektit të prokurimit “**Furnizim vendosje pjesë këmbimi dhe mirëmbajtje e automjeteve të Bashkisë Kolonjë viti 2024**”,i cili duhet të plotësojë kërkesat e mëposhtme:

**a.1** Ambienti (servisi/oficina) duhet të jetë brenda territorit të **Bashkisë Kolonjë**. Për këtë, operatori/et ekonomik ofertues, duhet të paraqes/in dokumentacion që vërteton pronësinë / huapërdorjen / qiramarrjen si më poshtë:

**a.1.1 Dokumentacion që vërteton pronësinë:**

- Çertifikata e pronësisë e lëshuar nga institucioni i autorizuar me ligj; **ose**

- kontrata e shitblerjes; **ose**
- kontrata e dhurimit; **ose**
- çdo dokument tjetër me anë të të cilit fitohet e drejta e pronësisë sipas Kodit Civil të Republikës së Shqipërisë.

**a.1.2 Dokumentacion që vërteton huapërdorjen:**

- Kontratë huapërdorje.

**a.1.3 Dokumentacion që vërteton marrjen me qira:**

- Kontratë qiraje.

**Argumentimi:** Kërkesa e mësipërme është përcaktuar bazuar në pikën 4, të nenit të 77, të ligjit nr. 162, datë 23.12.2020 “Për prokurimin publik””, i ndryshuar me ligjin nr.16 datë.08.02.2024 dhe nenit 40, pika 5/ç, të VKM nr. 285, datë 19.05.2021“Për miratimin e Rregullave të Prokurimit Publik”, të ndryshuar. Me anë të këtij kriteri kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion 1 (një) ambient/servis brenda territorit të Bashkisë Kolonjë për realizimin/ekzekutimin e shërbimeve objekt prokurimi.

Nisur nga fakti se objekt i kësaj kontrate është riparimi dhe mirëmbajtja e automjeteve është vlerësuar e domosdoshme/nevojshme që operatorët ekonomikë duhet të dëshmojnë që kanë minimalisht, 1 (një) ambient ku ushtrojnë aktivitetin e tyre me qëllim realizimin e shërbimeve objekt prokurimi në kohë dhe cilësi.

Ky kriter është vendosur në mënyrë që operatorët ekonomikë të vërtetojnë se zotërojnë kapacitetet e nevojshme organizative, për të zbatuar dhe për të përmbushur kontratën në përputhje me specifikimet dhe standardet e kërkuara nga Autoriteti kontraktor dhe nisur nga shumëllojshmëria e mjeteve, specifikat e veçanta të tyre dhe numri i mjeteve për mirëmbajtje.

**2.3.5** Operatori/et ekonomik duhet të deklarojë se **Garancia** për pjesët e këmbimit të cilat do u zëvendësohen mjeteve kërkohet të jetë jo më pak se **6 (gjashtë) muaj** për riparimet xhenerike dhe motorrike nga data e daljës së mjetit nga riparimi dhe për gomat/bateritë **garancia** duhet të jetë jo më pak se **1 (një) vit** nga data e daljës së mjetit nga riparimi dhe fituesi i procedurës së prokurimit gjatë kësaj periudhe të garantojë **pa pagesë** riparimin, mirëmbajtjen dhe shërbimin që do kryejë .

**Argumentimi:**Me anë të kësaj deklarate synohet që mallrat që do të dorëzohen të jenë të reja dhe me minimumi një vit garanci dhe që fituesi i procedurës së prokurimit gjatë kësaj periudhe të garantojë për autoritetin kontraktor të përfshirë në këtë procedurë, riparimin, mirëmbajtjen dhe shërbim pa pagesë konform specifikimeve teknike sa herë të lind nevoja.

**2.3.6** Operatori/et ekonomik duhet të deklarojë se ofron shërbimin e kërkuar në këtë procedurë edhe në terren në rast të nevojave të autoritetit kontraktor.

**Argumentimi:**Me anë të kësaj deklarate synohet që në rast se autoritetit kontraktor do t’i lind nevoja për riparime në terren të hapur, në vende ku makineria që mund të pësojë defekt, është duke kryer funksionet përkatëse, OE do të jetë i gatshëm të kryejë shërbimin në vend, nëse kjo është e mundur pa e transportuar në servis.

**2.3.7** Operatori/et ekonomik duhet të paraqesë deklarate se në ambientet e servisit ku ushtron aktivitetin duhet të ketë pajisjet e nevojshme për realizimin e kontratës, si më poshtë vijon:

- Kompjuter për diagnostikimin e automjeteve, i pajisur me programe për automjetet sipas specifikimeve teknike të dst.
- komperator, set mikrometrash, kalibrash e pajisje të tjera ndihmëse
- pajisje për testimin e injektoreve.
- aparat për kontroll radiator uji.
- ura ngritëse për automjete (veturë/fuoristradë);
- aparat për furnizimin me alkool dhe nxjerjen e ajrit të sistemit të frenimit;
- pajisje montim-çmontim gomash;
- aparat saldimit me oksigjen
- aparat saldimit me argon

Autoriteti Kontraktor, rezervon të drejtën të inspektojë në vend pajisjet e nevojshme e sipërpërmendura, me qëllim verifikimin e kërkesave të sipërcituara.

*Kriteri konsiderohet i përmbushur me plotësimin e formularit sipas shtojcës 8 të DT. Dokumentat e kërkuara më sipër do të paraqitën referuar përcaktimet në nenin 26, pika 6, të VKM nr. 285, datë 19.05.2021, i ndryshuar , përpara publikimit të njoftimit të fituesit dhe nisjes së afateve ankimit, ose nëse kërkohen sqarime nga autoriteti kontraktor.*

**Argumentimi:** Kërkesat e mësipërme janë përcaktuar bazuar në pikën 4, të nenit të 77, të ligjit nr. 162, datë 23.12.2020 “Për prokurimin publik” , i ndryshuar me ligjin nr.16 datë.08.02.2024 dhe nenin 40, pika 5/ç, të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar. Me anë të këtyre kriterëve kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion mjetet dhe pajisjet teknike për të përmbushur kontratën, dhe është vlerësuar e domosdoshme që operatorët ekonomikë duhet të dëshmojnë që kanë mjetet dhe pajisjet teknike për ekzekutimin e objektit të prokurimit.

**2.3.8** Operatori/et ekonomik duhet të paraqesë deklaratë nga operatori ekonomik pjesëmarrës që merr përsipër kryerjen e shërbimeve objekt kontrate në vendodhjen e eskavatorit tip Volvo EC 220 D.

**Argumentimi:** Me anë të kësaj deklarate synohet që ofertuesi të realizojë shërbimin në vendodhjen e eskavatorit pasi ato konsiderohet mjet kantieri dhe është e pamundur nga AK të transportojë ato në pikën e servisit të ofertuesit.

**2.3.9** Operatori/et ekonomik duhet të paraqesë dëshmi për makinerite dhe pajisjet teknike, që ka në dispozicion dhe, që nevojiten për ekzekutimin e kontratës, dhe do të vëre në dispozicion **pa pagesë** automjetet të specializuar për transportin e automjeteve të difektuara, si me poshtë:

Nr.	Emri i mjetit	Sasia	Statusi
1	Karrotrec	1 copë	Në pronësi ose me qera

**Për mjetet që shënohen në regjistra publikë, kur janë në pronësi, duhet të paraqitet:**

- a) dokumenti që vërteton pronësinë (çertifikatën e pronësisë së mjetit rrugor);
- b) dokumenti që vërteton regjistrimin e mjetit (leje qarkullimi);
- c) çertifikata e vlefshme e kontrollit teknik (SGS);
- ç) siguracioni (polica e sigurimit) i vlefshëm i mjetit;

**Kur janë me qera, duhet të paraqitet:**

- a) kontrata noteriale e qerasë të vlefshme për të gjithë periudhën e realizimit të kontratës;
- b) dokumenti që vërteton regjistrimin e mjetit (leje qarkullimi);
- c) çertifikata e vlefshme e kontrollit teknik (SGS);
- ç) siguracioni (polica e sigurimit) i vlefshëm i mjetit .

*Kriteri konsiderohet i përmbushur me plotësimin e formularit sipas shtojcës 8 të DT. Dokumentat e kërkuara më sipër do të paraqitën referuar përcaktimet në nenin 26, pika 6, të VKM nr. 285, datë 19.05.2021, i ndryshuar , përpara publikimit të njoftimit të fituesit dhe nisjes së afateve ankimit, ose nëse kërkohen sqarime nga autoriteti kontraktor.*



**Argumentimi:** Kërkesat e mësipërme janë përcaktuar bazuar në pikën 4, të nenit të 77, të ligjit nr. **162**, datë 23.12.2020 “**Për prokurimin publik**” i ndryshuar me ligjin nr.**16** datë.**08.02.2024** dhe nenit 40, pika 5/ç, të VKM nr. 285, datë 19.05.2021“Për miratimin e Rregullave të Prokurimit Publik”, të ndryshuar. Me anë të këtyre kriterëve kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion mjetet dhe pajisjet teknike për të përmbushur kontratën, dhe është vlerësuar e domosdoshme që operatorët ekonomikë duhet të dëshmojnë që kanë minimalisht, 1 (një) automjet, konkretisht **pajisjet/karrotrec** për ekzekutimin e objektit të prokurimit.Nisur nga fakti se objekt i kësaj kontrate është riparimi dhe mirëmbajtje e automjeteve, mund të ndodh që në raste defekti i cili shkakton teknikisht pamundësinë e lëvizjes vetë të automjeteve OE duhet të transportojë një automjet të difektuar në ambjentet e servisit që disponon **pa pagesë**.

## **II. Argumentimi i specifikimeve teknike**

**Specifikimet Teknike dhe termat e referencës** për procedurën respektive janë hartuar nga komisioni i Përgatitjes së specifikimeve teknike,termat e referencës dhe përlllogaritjes së fondit limit i ngritur me urdhër nr.**214** me nr.**1950** prot,datë.**24.04.2024**, pjesë përbërëse e strukturës së **Bashkisë Kolonjë**, në përputhje me nenin **36**, të ligjit nr.**162/2020** “Për Prokurimin Publik”, i ndryshuar me ligjin nr.**16** datë.**08.02.2024** si dhe nenit **76** të VKM nr. **285**, datë 19.05.2021 “Për miratimin e rregullave të prokurimit publik”, i ndryshuar.

**Specifikimet Teknike dhe termat e referencës** janë pjesë e setit të dokumentave të ngarkuara në SPE për procedurën respektive.

**Argumentimi:**Në funksion të realizimit me sukses të detyrave të tij, Autoriteti Kontraktor,Bashkia Kolonjë disponon rreth **21** automjete transporti, tipologjia dhe larmia e të cilave varion që nga veturat,kamionçinat, kamionë me akse të ndryshme,mjete të rënda automjete të transportit të veçantë, të stacionuar për shërbime të ndryshme. Specifikimet teknike janë hartuar në përputhje të plotë me kërkesat që ka çdo mjet sipas tipologjisë, vitit të prodhimit, kilometrave të përshkuara dhe/ose orëve të punës, me qëllim dhënien e një informacioni sa më të plotë për çdo mjet me qëllim kryerjen dhe sigurimin e një shërbimi cilësor të mjeteve të AK-së.

**Fondi Limit i përlllogarit** për këtë procedurë është hartuar në përputhje me nenin **34** dhe **35** të ligjit Nr.**162/2020** datë.**23.12.2020** “Për Prokurimin Publik”, i ndryshuar me ligjin nr.**16** datë.**08.02.2024** si dhe neni **76** i Vendimit të Këshillit të Ministrave Nr. **285** datë.**19.05.2021** “Për miratimin e rregullave të prokurimit publik”, i ndryshuar, nga komisioni i Përgatitjes së specifikimeve teknike,termat e referencës dhe përlllogaritjes së fondit limit i ngritur me urdhër nr.**214** me nr.**1950** prot,datë.**24.04.2024**, pjesë përbërëse e strukturës së Bashkisë Kolonjë.

**Shënim:** Përcaktoni specifikimet teknike, për shërbimet objekt prokurimi, që do të përfshihen në termat e referencës, në përputhje me parashikimet e nenit 4, pika 38/b dhe nenit 36, të LPP, si dhe nenit 41, pika 1, të VKM nr. 285, datë 19.05.2021, “Për miratimin e rregullave të prokurimit publik”, **duke argumentuar çdo kërkesë funksionale ose performance, apo/dhe çdo standard të kërkuar, ku çdo referencë duhet të shoqërohet nga fjalët “ose ekuivalenti i tij/saj”.**

**Kujdes:**Në specifikimet teknike, nëse nuk e justifikon objekti i kontratës, nuk duhet të përmendet asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Një gjë e tillë lejohet vetëm në raste përjashtimore kur nuk ekziston një mënyrë e mjaftueshme, e saktë apo e kuptueshme e përshkrimit të objektit të kontratës, sipas pikës 3 të nenit 36, të LPP. Referime të tilla duhet të shoqërohen nga fjalët “ose ekuivalente”.

Në përfundim, Njësia e Prokurimit vendosi unanimitisht miratimin e dokumenteve të tenderit dhe si afat përfundimtar për dorëzimin e ofertave përcaktoi datën **17.05.2024, ora 11:00**.

Për të krijuar dosjen e tenderit në sistemin e prokurimit elektronik të APP dhe për të ngarkuar të gjithë dokumentacionin e procedurës së prokurimit me objekt: **“Furnizim vendosje pjesë këmbimi dhe mirëmbajtje e automjeteve të Bashkisë Kolonjë viti 2024”**, Njësia e Prokurimit autorizoi personin përgjegjës për prokurimin anëtar në NJP.

**Bashkëlidhur këtij proces-verbali:**

- Dokumentat e tenderit
- Preventivi
- Specifikimet teknike dhe termat e referencës.

**Njësia e Prokurimit**